



Information about
elections
electionsfinland.fi

PARLAMENTOSKO VELKIBI 2019

Parlamentosko velkibi rikkavaha sakko startto bereň.

Aro Velkiba Finitiko folki velkavena aro parlamentos 200 folkengo naalune komuja te ħluutaven mengo tšetano saakenna.

Bereň 2019 parlamentosko velkibi stellavaha aro kurko 14.4.2019.

Naaluno lyijako diiben hin aro Finitiko them 3.-9.4.2019 ta aro auriako themme 3.-6.2019.

Parlamentosko buttija

Parlamentosko koni fuortuno butti hin te tšuuves laagi, doolengo paalal džala tšetano than.

Vauro fuortuno parlamentosko butti hin te ħluutaves themmesko ekonomisko veeribosta. Aro ekonomisko veeriba sannavena, katta them lela louve ta kai doola (louve) tšuuvena. Parlamentos niina vollila themmesko louvengo tšuuvisa.

Parlamentos velkila themmesko falliboske ħeeruno ministeros ta vollila fallibosko tšeeribi.

Panna parlamentos ħluutila dotta, so hin Finitiko themmesko džinta buut Europako unionisko saakenna.

Koon lela te del lyija?

Tu vojuveha te del lyija aro parlamentosko velkibi, ke

- tu sal Finitiko folkos; ta
- tu sal 18 oldrakiiro sistones 14.4.2019.

Lyijako horttibosko boodiba vela aro tšeere

Ke tuut hin horttiba te del lyija,

tu leha dotta liin/lil aro to tšeer.

Aro liin/lil hin lyijako horttibosko boodiba,
kai hin džaaniba to lyija diibenesko stedosta aro velkibosko diives.
It hin panna listas naaluno lyija diibenesko stedenna.

Kooneske tu vojuveha te del to lyija?

Finitiko them hin dielade aro 13 velkibosko thaane.

Aro sakka velkibosko thaane hin iega alsiboskiire.

Tu vojuveha te del lyija ajasavo komuniske, koon hin alsiboskiiro aro to iego velkibosko thaan. To velkibosko thaan boodavaha aro lyija horttibosko boodiba. Sakko alsiboskiires hin iego alsiboskiiresko numra. To iego velkibosko thaan alsibosgiirengo numri lahñhuvana lyija diibenesko stedenna. Džaaniba alsibongiirena tu leha naala merkonos (nm.) paprenna, dikkibosko mohtota ta internetosta.

Lyija diiben aro tšeer

Ke tu sal drouves lammalo elle langhto tiijako nasvalo, tu vojuveha te del to lyija naalunes aro to tšeer. Tuut mote boodaves tuut aro tšeeresco lyija diiben 2.4.2019 siigo kamana 16 to iego phuujiako sentro velkibosko phuujiake. Phaljiako phuujiako bañibosko numra hin aro lyija horttibosko boodos. Tu leha panna phaljiako phuujiata butide džaaniba tšeeresco lyija diibenesta.

Jakkes tu deha lyija naalunes

Tu vojuveha del lyija aro parlamentosko velkiba naalunes aro sakka thaan kai hin naaluno lyija diibenesko stedos aro Finitiko them elle auriako themme.

Le tussa aro lyija diiben personaalo tšeekniba, nm. passis, personaalo peleñkos ta traadibosko peleñkos.

1. Sika to personaalo tšeekniba velkibosko tšenstaboskiireske.
Tšenstiboskiiro starkila dooles ta dela tukke lyija diibenesko biljetos.
2. Dža lyija diibenesko skoppis. Ran aro lyija diibenesko biljetos reetes douva alsiboskiiresko numra, koones tu (tenkaveha) te del to lyija. Ma ran aro lyija diibenesko biljetos tši vauro.
3. Bansa lyija diibenesko biljetos mañkarjata.

4. Dža paalal velkibosko tšenstaboskiiresko neer. Jou tšuuvela doi merknos ta dela tukke bruuno velkibosko skoor. Tšu lyija diibenesko biljetos aro skoor ta tšu skoor phallo.
5. Velkibosko tšenstiboskiiro kammela tuut te teelal rannes iek blanketos. Jakkes tuambutaveha, te tu sal kokares pherjadal lyija diibenesko biljetos, te tu hin liijal doi merknos ta tu hin phandidal douva rannibosko skoor.
6. Ĥluutimes tšenstiboskiiro tšuuvela phallo velkibosko skoor ta blanketos aro dželto bitšibosko skoor.

Ka tu hin velkadal, tu vojuveha te džal nikki naaluno lyija diibenesko stedosta.

Jakkes tu deha lyija aro velkibosko diives

Aro velkibosko diives 14.4.2019 lyija diibenesko stedi hin phirro kamana 9-20. Starka lyija horttibosko boodosta, kai to lyija diibenesko stedos hin. Tu vojuveha te del lyija bi doi lyija diibenesko stedos, so rabila apo to lyija horttibosko boodos. Le tussa aro lyija diiben to personaalo tšekniba, nm. passis, personaalo peleňkos elle traadibosko peleňkos.

1. Sika to personaalo tšekniba velkibosko tšenstaboskiireske. Jou starkila douva ta dela tukke lyija diibenesko biljetos.
2. Dža lyija diibenesko skoppis. Ran apo lyija diibenesko biljetos reetes douva alsiboskiiresko numra, kooneske tu deha to lyija Ma ran apo lyija diibenesko biljetos tši vauro.
3. Bansa lyija diibenesko biljetos maňkarjata.
4. Dža paalal velkibosko tšenstiboskiiresko neer. Jou tšeerela merknos apo to biljetos.
5. Pera lyija diibenesko biljetos aro velkibosko moňto.

Ka tu hin diijal to lyija, tu vojuveha te džal nikki lyija diibenesko stedosta.

Koonesta tu leha hjelpiba?

Velkibosko tšenstabongiire sikavena tukke aro lyija diibenesko stedos aro naaluno lyija diibenesko ta velkibosko diives. Aro lyija diibenesko stedos hin niina velkibosko ĥaňtiboskiiro. Tu vojuveha te kammes les/la te ĥaňtaves tuut aro lyija diibenesko skoppis, ke tu kokares na hajuveha te pherdaves lyija diibenesko biljetos.

Velkibosko ĥaňtiboskiiro vojula aaňhes panna ajasavo komunis koones tu kokares hin velkadal, nm. iego komunis elle neeruno. Velkibosko ĥaňtiboskiiro na lela endo

aañhes alsiboskiiro elle lesko neeruno komunis. Velkibosko ñañtiboskiiro na lela te phennel tšekkeske, kooneske tu diijal lyija.

Velkibosko gariba

Sakka iek ñluutila pes, kammelako te del lyija elle kooneske kammela te del lyija. Velkibosko gariba mienila douva, te tuut naa mostiba te phennes tšekkeske, kooneske tu diijal to lyija.

(PAALUNO PAÑ)

De to lyija aro parlamentosko velkiba!

Aro dai sikiba rakkavaha reediko tšimbaha lyija diibenesta ta parlamentosko velkibosta 2019. Butide džaaniba lyija diibenesta:

velkibi.fi (vaalit.fi)

Reediko sentro /selkokeskus.fi

Horttibosko minsterios/Oikeusministeriö

Reediko sentro/Selkokeskus